


唐詩類苑



唐詩類苑第二十八卷

仁和卓明卿澂父編輯

華亭張之象玄超

長洲毛文蔚豹孫同校

治政部

寵錫

玄宗賜諸州刺史以題坐右一首

眷言思共理鑑古想維良猗歟此推擇評績著周行
賢能旣旅進黎獻實紆康視人當如子愛人亦如傷
講學試誦論阡陌勤耕桑虛譽不可飾清知不可忘

求名迹易見安直德自彰訟獄必以情教民貴有常
恤惻且存老撫弱復綏強勉哉各祗命知予眷萬方

張說奉和聖製賜諸州刺史以題坐右一首

文明遍禹迹鰥寡達堯心止在親人守能令王澤深
朝廷多秀士鎔鍊比精金犀節同分命熊軒各外臨
聖主賦新詩令若聽薰琴先言教爲本次言刑是欽
三時農不奪午夜犬無侵願使天宇內品物逐浮沉
寄情群飛鶴千里一揚音共躡華胥夢龔黃安足尋
張九齡奉和聖製賜諸刺史以題坐右一首
聖人今天德洪覆在元元每勞蒼生念不以黃屋尊

興化俟群辟擇賢守列藩得人此爲盛咨獄今復存
降鑒引若道慙歎啓政門容光無不照有象必爲言
成憲知所奉致理歸其根肅肅稟玄猷煌煌戒朱軒
豈徒任遇重兼爾宴錫繁載聞勵臣節持答聖主恩

太宗賜房玄齡詩一首

太液仙舟迴西園隱上才未曉征車度鷄鳴閤早開
太宗賜蕭瑀詩一首

疾風知勁草昏日辨誠臣勇夫安識義智者必懷仁

梅妃謝賜珍珠一首

桂葉雙眉久不描殘粧和淚濕紅綃長門盡日無梳

唐詩類苑 卷之十八 沈氏部
洗何必玕珠慰寂寥

李愷同望幸新亭賜錢公宴一首

感命通玄化覃恩降紫宸賜錢開漢府分帛醉堯人
地臨朝宗慶亭臨卜洛新行看廣雲雨二月次東巡
玄宗賜王公千秋鏡一首

鑄得千秋鏡光生百鍊金分將賜群后遇象見清心
臺上冰華澈窓中月影臨更銜長綬帶留意感人深

張說奉和聖製賜王公千秋鏡應制一首

寶鏡頒神節凝規寫聖情千秋題作字長壽帶爲名
月向天邊下花從日裏生不知懸象意誰辨照心明

席豫奉和勅賜公主鏡一首

令節頒龍鏡仙輝下鳳臺含靈萬象入寫照百花開
色與皇明散光臨聖澤來妍媸水鑑裏從此愧非才

王維勅賜百官櫻桃一首

芙蓉闕下會千官紫禁朱櫻出上闌總是寢園春薦
後非閔御苑鳥銜殘歸鞍競帶青絲籠中使頻傾赤
玉盤飽食不須愁內熱太官還有蔗漿寒

蘇晉左右丞相太子少傅同日上官天子作

三傑之詩命宴都堂序

惟聖寶賢以齊皇極有若左丞相燕國公右丞相廣

平公太子少傅安陽侯皆生人碩德阜國元老道著
廊廟績宣華戎由是懋其成功錫以元吉咨日于朔
擇時于秋俾對命王庭受職公府見群屬揖庶寮禮
官辨章掌舍陳次工備侑饗獻蒸六卿拜下以成儀
三事自天而來賀秩秩賓筵暉暉旅酬玉緯垂文南
風和雅頌之奏金漿降醴雲天光飫酌之宜宰德貴
和盡莊敬具瞻之範群才尚洽預周旋宴語之歡方
將一心天工戮力帝載寢黑山之柝包青海之戈雲
雨賢才水火菽粟日詠魚藻歲陳由庚順殷趙之年
留魯陽之景爰命在宴乃賡載歌

玄宗左丞相張說右丞相宋璟太子少傅源
乾曜同日上官命宴都堂賜詩一首

赤帝収三傑黃軒舉二臣由來丞相重分掌國之鈞
我有握中璧雙飛席上玳子房推道安仲子訝風神
復轍台衡老將爲調護人鴛鸞同拜日車騎擁行塵
樂聚南宮宴觴連北斗醇俾予成百揆垂拱問彝倫
張說奉和御製說與源乾曜宋璟同日上官
命宴都堂賜詩一首

大塊鎔群品經生偶聖時猥承三事命虛忝百寮師
右揆謀華碩前星傳重資連騫求舊禮濫玷樂賢詩

賜金同榮拜擬金宴宰司菊花吹御酒蘭葉捧天詞
寶曆休明盛頽年暑漏衰少留青史筆未敢赤松期

宋璟奉和御製璟與張說源乾曜同日上官

命宴都堂賜詩一首

丞相邦之重非賢諒不居老臣庸且憊何德以當諸
厚秩先爲忝崇班復此除太常陳禮樂中掖降簪裾
聖酒江河潤仙文象緯舒冒恩懷寵錫陳力省空虛
郭隗慙無駿馮諼愧有魚不知周勃者榮幸定何如

源乾曜奉和御製乾曜與張說宋璟同日上

官命宴都堂賜詩一首

睿作超千古湛恩育萬人迺遷俱荷澤同拜忽爲鄰
道合徽音暢芳馳景命新鼓鐘崇享禮鷓鷯集朝倫
竊位思官謗凋容謝木春慙多無以叙拙備實難陳
進綬懷三少承光盡百身自當歸第日何幸列宮臣
宇文融奉和御製左丞相說右丞相璟太子
少傅乾曜同日上官命宴都堂賜詩一首

申甫生周日宣慈舉舜年何如偶昌運比德邁前賢
寵護元良密榮瞻端揆遷職優三事老位極百寮先
北極迴宸幄南宮飾御筵飛文璫禮降賜酒玉杯傳
謬列台衡重俱承雨露偏誓將同竭力相與効塵涓

蕭蒿奉和御製左丞相說右丞相璟太子少
傅乾曜同日上官命宴都堂賜詩一首

審官思共理多士屬惟唐歷選台庭舊來熙帝業昌
入朝師百辟論道協三光垂拱資元老親賢輔少陽
登庸崇禮送寵德耀宸章御酒飛觴洽仙闈雅樂長
荷恩思有報陳力愧無良願罄公忠節同心奉我皇
裴光庭奉和御製左丞相說右丞相璟太子

少傅乾曜同日上官命宴都堂賜詩一首

樂賢聞往誥褒德偶茲辰端擢升元老師謀擇累仁
紫庭崇讓畢粉署禮容陳旣荷恩榮舊俱承寵命新

天文懸瑞色聖酒汎華茵雜遝陳簫鼓歡娛洽搢紳
掖垣招近侍虎薄厠清塵共保堅貞節當期雨露均

杜甫奉賀陽城郡王太夫人恩命加鄧國太

夫人一首

衛慕銜恩重潘輿送喜頻濟時瞻上將錫號戴慈親
富貴當如此尊榮邁等倫郡依封土舊國與太名新
紫誥鸞回紙清朝燕賀人遠傳冬笋味更覺彩衣春
奕葉班姑史芬芳孟母鄰義方兼有訓詞翰兩如神
委曲承顏體騫飛報主身可憐忠與孝隻美畫麒麟

貢獻

杜甫惜別行送向鄉進奉端午御衣之上都
一首

肅宗昔在靈武城指揮猛將收咸京向公泣血西行
殿佐佑卿相乾坤平逆胡冥寞隨烟燼卿家兄弟功
名震麒麟閣盡鴻鴈行紫極出入黃金印尚書勛業
超千古雄鎮荊州繼吾祖裁縫雲霧成御衣拜跪題
封賀端午向心將命寸心赤青山落日江潮白卿到
朝廷說老翁漂零已是滄浪客

張謂杜侍御送貢物戲贈一首

銅柱朱崖道路難伏波橫海舊登壇越人自貢珊瑚

樹漢使何勞獬豸冠疲馬山中愁日晚孤舟江上畏
春寒由來此貨珍難得多恐君王不忍看

丁儻芝越裳貢白雉一首

聖哲承休運伊夔列上台尋思丹徼遠入貢素輦來
北闕欣初見南枝顧未迴歛容殘雪靜矯翼片霜開
馴擾將無埒翻飛幸不猜耳從上林裏飲啄自徘徊
除授

張九齡醉周判官巡至始興會改秘書少監

見貽之作兼呈耿廣州一首

惟昔遷樂土迨今已重世陰慶荷先德素風慙後裔

唯益梓桑恭豈稟山川麗于時初自勉揆已無兼濟
瘠土資勞力良書啓蒙蔽一探石室文再擢金門第
既起南宮草復掌西掖制過舉及小人便蕃在中歲
亞司河海秩轉牧江湖澁勿謂符竹輕但覺涓塵細
一麾尚云忝十駕宜求稅心息已如灰跡牽且爲贅
忽捧天書委將革海隅弊朝聞循誠節夕飲蒙瘴癘
義疾耻無勇盜憎攻亦銳蔡藿是傾心豺狼何返噬
履險其所受勞賢而相曳攬轡但荒服循垓便私第
嘉慶始獲中恩華復允繼無庸我先舉同事君猶滯
當推奉使績且結拜親契更延懷安旨曾是慮危際

善謀雖若茲至理焉可替所仗有神道况承明主惠
孟浩然聞裴朮襄州司戶除豫州司戶因寄

一首

故人荆河掾尚有栢臺威移職自樊衍芳聲聞帝畿
共子卧林巷載酒訪柴扉松菊無君賞鄉園懶欲飛

沈佺期自考功員外授給事中一首

南省推丹地東曹拜瑣闈惠移雙管筆恩降五時衣
出入宜真選遭逢每濫飛器慚公理拙才謝子雲微
案牘遺常禮朋僚隔等威上台行揖讓中禁動光輝
旭日千門起初春入舍歸贈蘭聞宿昔談樹隱芳菲

唐詩類苑 卷之十一 八 杜南覽栢中丞燕子姪數人除官制詞因述
父子兄弟四美載歌絲綸一首

何幸益梅處惟憂對問機省躬知任重寧止冒榮非
紛然喪亂際見此忠孝門蜀中寇亦甚栢氏功弥存
深誠補王室戮力見元昆三止錦江沸獨清玉壘昏
高名入竹帛新渥照乾坤子弟先卒伍芝蘭壘瓊璠
同心注師律洒血在戎軒絲綸實具載綬冕已殊恩
奉公舉骨肉誅叛經寒温金甲雪猶凍朱旗塵不翻
每聞戰場說歎激怒氣奔聖主國多盜賢臣官則尊
方當節鉞用必絕侵沴根吾病日迴首雲臺誰再論

作歌挹盛事推轂期孤騫

杜甫承沈八丈東美除膳部員外阻雨未遂

馳賀奉寄此詩一首

今日西京掾多除南省郎通家惟沈氏謁帝似馮唐
詩律群公問儒門舊史長清秋更寓直列宿頓輝光
未暇申安慰含情空激揚司存何所比膳部默悽傷
貧賤人事畧經過霖潦妨禮同諸父長恩豈布衣忘
天路牽騏驥雲臺引棟梁徒懷貢公喜颺颯鬢毛蒼

杜甫秦州見勅目薛三璠授司議郎畢四曜

除監察與二子有故遠喜遷官兼述索居三

十韻一首

大雅何寥濶斯人尚典刑交期余潦倒材力爾精靈
二千陞同日諸生困一經文章開突奧遷擢潤朝廷
舊好何由展新詩更憶聽別來頭併白相見眼終青
伊昔貧皆甚同憂心不寧栖遑分半菽浩蕩逐沅萍
俗態猶猜忌妖氛忽杳冥獨慙投漢閣俱議哭秦庭
還蜀祇無益囚梁亦固扃華夷相混合宇宙一羶腥
帝力收三統天威總四溟舊都俄望幸清廟肅惟馨
雜種雖高壁長驅甚建瓴焚香淑景殿漲水望雲亭
法駕初還日群公若會星宮臣仍點染柱史止零丁

官忝趨棲鳳朝回歎聚螢喚人看驥鼻不嫁惜娉婷
掘劍知埋獄提刀見發硎侏儒應共飽漁父忌偏醒
旅泊窮清渭長吟望濁涇羽書還似急烽火未全停
師老資殘寇戎生及近堦忠臣辭憤激烈士涕飄零
上將盈邊鄙元勳溢鼎銘仰思調玉燭誰定握青萍
隴俗輕鸚鵡原情類鷓鴣秋風動閨塞高卧憶儀形
赦宥

儲光羲晚霽中園喜赦一首

五月黃梅時陰氣蔽遠邇煙雲連晦朔菘菜生隣里
落日晚霞明農夫知雨止幾悲衽席濕長歎垣墻毀

唐詩卷之八
八
曠朗天宇開家族躍以喜
渙汗發大號坤元更資始
散衣出中園小徑尚滑履
池光搖萬象倏忽滅復起
嘉樹如我心欣欣豈云已

沈佺期答甯愛州報赦一首

書報天中赦人從海上聞
九泉開白日六翮起青雲
命偶恩先貸情孤枉未分
自憐涇渭別誰與奏明君

沈佺期喜赦一首

去歲投荒客今春肆眚歸
律通幽谷暖盆舉太陽輝
喜氣迎冤氣青衣報白衣
還將合浦月俱向洛城飛

張說和張監觀赦一首

日御臨雙闕天街儼白神
雷方作解氣歲復建寅春
喜候開星驛歡聲發市人
金環能作賦來入管弦新

王維既蒙宥罪旋復拜官伏感聖恩竊書鄙

意蕪奉簡新除使君等諸公一首

忽聞漢詔還冠冕始覺殷
王解網羅日比皇明猶自
暗天齊聖壽未云多花迎
喜氣皆知笑鳥識歡心亦
解歌聞道百城新佩印還
來隻闕共鳴珂

奉使

李嶠奉使築朔方六州城率爾而作一首

奉詔還邊服總徒築朔方
駢彼犬羊族正此戎夏疆

子來多悅豫王事寧息遑三旬無愆期百雉鬱相望
雄視沙漠陞有截北海陽二庭已頓顛五嶺盡來王
驅車登崇墉顧盼凌大荒千里何蕭條草木自悲涼
憑軾訊古今慨焉感興亡漢障緣河遠秦城入海長
顧無廟堂策貽此中夏歿遁隱前業衰運開今化昌
制爲百王式舉合千載防馬牛被路隅鋒鏑銷戰場
豈不懷賢勞所圖在末康王事何爲者稱代陳頌章

宋之問奉使嵩山途經緱嶺一首

侵早發洛城城中歌吹聲畢景至緱嶺嶺上烟霞生
草樹饒野意山川多古情大隱德所薄歸來可退耕

張九齡夏日奉使南海在道中作一首

緬然萬里路赫曦三伏時飛走逃深林浮爍恐生疵
行李豈無苦而我方自怡肅事誠在公拜慶遂及私
展力慙淺效銜恩感深慈且欲湯火蹈况無鬼神欺
朝發高山阿夕濟長江湓秋瘴寧我毒夏水胡不夷
信知道存者但問心所之呂梁有出入乃覺非虛詞
孫逖奉和左司員外自洛使人京中路先赴
長安逢立春日贈韋侍郎等諸公一首

拜郎登省闈奉使持車乘遙瞻使者星便是郎官應
臺妙時放言皇華德彌稱二陝聽風謠三秦望形勝

此中睽益友是日多詩興寒盡歲陰催奉歸日華證

干灣奉使祭終南山一首

常愛南山遊因而盡原隰數朝至林嶺百仞登鬼爰
石壯馬徑窮苔色步緣入物奇春秋改氣遠天香隼
虛洞策杖鳴低雲拂衣濕倚巖見廬舍入戶欣拜揖
問姓矜勤勞示心教澄習王英時共飲芝草爲餘拾
境絕人不行潭深鳥空立一乘從此受九轉兼是給
辭處若輕飛憇來唯吐吸閑襟超已勝迴路倏而及
煙色松上深水流山下急漸平逢車騎向晚眺城邑
峰在野趣繁塵飄宦情澁辛苦久爲吏勞生何妄執

日暮懷此山悠然賦新什

賈至送友人使河源一首

送君魯郊外下車上高丘蕭條千里暮日落黃雲秋
舉酒有遺恨論邊無遠謀河源望不見旌旆去悠悠

賈至自蜀奉冊命往朔方途中呈韋左相文

部房尚書門下崔侍郎一首

胡羯亂中夏鑿輿忽南巡衣冠陷戎寇狼狽隨風塵
幽公乘大節臨難不顧身激昂白刃前濺血下沾巾
尚書抱忠義歷險披荆榛從出劍門登翼岷江濱
時望挹侍郎公才標縉紳亭亭崑山玉皎皎無繙鱗

願惟乏經濟扞牧陪從臣末願雪會稽仗劔清咸秦
太皇時內禪神器付嗣君新命集舊邦至德被遠人
捧冊自南服奉詔趨北軍覲謁心載馳違離難重陳
策馬出蜀山畏途上綠雲飲啄叢箐間棲息虎豹群
崎嶇凌危棧惴悚驚心神峭壁上嶽峯大江下沄沄
皇風扇八極異類懷深仁元兇誘黠虜肘腋生妖氛
明王信英武威聲共殊鄰誓師自朔方旗幟何繽紛
緹騎照白日旄頭拂秋旻將來盪滄溟寧止蹴崑崙
古來有迍難否泰常相因夏康續禹績代祖復漢勲
于後各勤王驅馳拱紫宸豈惟太公望往昔逢周文

誰謂三傑才功業獨殊倫感此慰行邁無爲歌苦辛

岑參使交河郡一首

奉使按胡俗平明發輪臺暮投交河城火山出崔嵬
九月尚流汗炎風吹沙埃何事陰陽工不遣雨雪來
吾君方戩邊分閩資大才昨者新破胡安西兵馬回
鉄関控天崖萬里何遼哉煙塵不敢飛白草空皓皑
軍中日無事醉舞傾金壘漢代李將軍微功今可哈

岑參奉送賁侍御使江外一首

新騎驟馬復承恩使出金陵過海門荆南渭北難相
見莫惜衫襟著淚痕

張謂送人使河源一首

故人行役向邊州
匹馬今朝不少留
長路關山何日
盡滿堂絲竹爲君愁

盧照隣和吳侍御被使燕然一首

春歸隴塞北
騎指鴈門垂
胡笳折楊柳
漢使採燕支
戍城聊一望
花雪幾參差
關山有新曲
應向笛中吹

陳子昂送魏兵曹使舊州一首

陽山淫霧雨
之子慎攀登
羗笮多珍寶
人言有愛憎
思酬恩主惠
當盡使臣能
勿以王陽歎
叩道畏峻嶒

杜審言送高郎中北使一首

北狄願和親
東京發使臣
馬銜邊地雪
衣染異方塵
歲月催行旅
恩榮恋苦辛
歌鐘期重錫
拜手落花春

沈佺期送陸侍御北使一首

古人貴將命
之子出輜軒
受委當不辱
隨時敢贈言
朔途際遼海
春思繞轅轅
安得回白日
留歡盡綠樽

宋之問送姚侍御出使江東一首

帝憂河朔郡
南發海陵倉
坐歎青春別
逶迤碧水長
飲冰朝受命
衣錦書還鄉
爲問東山桂
無人何自芳

岑參武威春暮聞宇文判官西使還已到晉

昌一首

唐詩類苑 卷之八 十五
片雨過城頭黃鸝上戍樓塞花飄客淚邊柳挂鄉愁
白髮悲明鏡青春換弊裘君從萬里使聞已到瓜州

岑參送楊錄事充使一首

夫子方寸裏清秋澄濟江關西望第一郡內政無雙
狹室下珠箔連宵領王缸使乎仍未醉斜月隱吟窓
杜審言和李大夫嗣真奉使存撫河東一首
六位乾坤動三微曆數遷謳歌移火德圖識在金天
子月開階統房星受命年禎符龍馬出寶籙鳳凰傳
地郎交風雨都仍卜澗瀍明堂唯御極清廟乃尊先
不宰神功運無爲大衆懸入荒平物土四海接人煙

已屬群生泰猶言至道偏聖書傍問俗旌節近惟賢
秩比司空位官臨御史員推辭執刀筆直諫罷樓船
國有大臣噐朝加小會筵將行備禮樂送別仰神仙
城闕周京轉関河陝代連稍觀汾水曲俄指絳臺前
姑射聊長望平陽遂宛然舜耕餘草木禹鑿舊山川
昔出諸侯靜無何霸業全中軍歸戰敵外府絕兵權
隱隱帝鄉遠瞻瞻肅命虔西河偃風俗東壁挂星纏
井邑粉榆社陵園松柏田榮光晴掩代佳氣晚侵燕
兩需鴻私滌風行睿旨宣惇嫠訪疾苦屠釣採貞堅
人樂逢刑措時康洽賞延賜踰泰氏級恩陪漢家錢

擁傳咸翹首稱觴競比肩拜迎弥道路詠舞溢郊鄗
殺氣西衝白窮陰北暝玄飛霜遙渡海殘月迴臨邊
緬邈朝廷問周流朔塞旋興來探馬策俊發抱龍泉
學總八千卷文傾三百篇澄清得使者作頌有人焉
莫以崇班閔而云勝托捐備材何磊落陋質幾翩翩
江海寧爲讓巴渝轉自牽一門歌聖道助曲荷陶甄

張九齡奉使自藍田玉山南行一首

征驂入雲壑情始步金門通籍微軀幸歸途明主恩
匪唯徇行役兼得慰晨昏是節暑云熾紛吾心所尊
海縣且悠緬山郵日駿奔徒知惡嘉事未暇息陰論

嶢武經陳迹衡湘指故園水聞南澗險煙望北林繁
遠靄千巖合幽聲百籟喧陰泉夏猶凍陽景晝方暎
懿此高深極徒令夢想存盛明期有報長往復奚言

鄭審奉使巡檢兩京路果樹事畢入秦因詠

歌一首

聖德周天壤韶華滿帝畿九重承渙汗千里樹芳菲
陝塞餘陰薄關河舊色微發生和氣動封植衆心歸
春露條蕉弱秋霜果定肥影移行子蓋香撲使臣衣
入徑迷馳道分行接禁闈何當扈仙蹕攀折奉恩輝

胡衡衡命使本國一首

唐詩類苑 卷之十八 十七
衛命將辭國非才忝侍臣天中恋明主海外憶慈親
伏奏違金闕飛驂去玉津蓬萊鄉路遠若木故園鄰
西望懷恩日東歸感義辰平生一寶劍留贈結交人

和蕃

杜審言送和西蕃使一首

使出鳳凰池京師陽春晚聖朝尚邊策詔諭兵戈偃
拜手明光殿搔心上林苑種落踰青羗閑山度赤坂
疆場及無事雅歌而殮飯寧獨錫和戎更當封定遠
張說送郭大夫再使吐蕃一首

犬戎廢東獻漢使馳西極長策問酋渠猜阻自夷殛

容髮徂邊歲旌裘弊海色五年一見家妻子不相識
武庫兵猶動金方事未息遠圖候才智苦節輪筋力
脫刀贈分手書帶加飡食知君萬里侯立功在異域

孫逖同洛陽李少府觀永樂公主入蕃一首

邊地鶯花少年來未覺新美人天上落龍塞始應春
帝元旦奉和送金城公主適西蕃應制一首

柔遠安夷俗和親重漢年軍容旌節送國命錦車傳
琴曲悲千里簫聲戀九天唯應漢西月來就掌珠園

李嶠奉和送金城公主適西蕃應制一首

漢帝撫戎臣絲言命錦輪還將弄機女遠嫁織皮人

曲怨關山月粧消道路塵所嗟穠李樹空對小榆春
徐堅奉和送金城公主適西蕃應制一首

星漢下天孫車服際殊蕃匣中詞易切馬上曲虛繁
閑塞移朱額風塵闇錦軒簫聲去日遠萬里望河源
李適奉和送金城公主適西蕃應制一首

絳河從遠聘青海赴和親月作臨邊曉花爲度隴春
主歌悲顧鶴帝策重安人獨有瓊簫去悠悠忠錦輪
趙彥昭奉和送金城公主適西蕃應制一首

聖后經綸遠謀臣計畫多受降貽漢策築館許戎和
俗化烏孫壘春生積石河六龍今出餞雙鶴願爲歌

唐遠愬奉和送金城公主適西蕃應制一首

皇恩睠下人割愛遠和親少女風遊兌姮娥月去秦
龍笛迎金榜驪歌送錦輪那堪桃李色移向虜庭春

沈佺期奉和送金城公主適西蕃應制一首

金榜扶丹掖銀河屈紫闈那堪將鳳女還以嫁烏孫
王就歌中怨珠辭掌上恩西戎非我匹明主至公存

閻朝隱奉和送金城公主適西蕃應制一首

甥舅重親地君臣厚義鄉還將貴公主嫁與僊檀郎
鹵薄山川闕琵琶道路長迴瞻父母國日出在東方

鄭愔奉和送金城公主適西蕃應制一首

下嫁戎庭遠和親漢禮優笳聲出虜塞簫曲背秦樓
貴主悲黃鵠征人怨紫騮皇情眷億兆割念俯懷柔

武平一奉和送金城公主適西蕃應制一首

廣化三邊靜通姻四海安還將膝下愛持副域中歡
聖念飛玄藻仙儀下白蘭日斜征蓋沒歸騎動鳴鑾

徐彥伯奉和送金城公主適西蕃應制一首

鳳袞憐簫曲鸞闈念掌珍羗庭遙築館廟策重和親
星轉銀河夕花移玉樹春聖心悽送遠留蹕望征塵

崔湜奉和送金城公主適西蕃應制一首

懷戎前冊備降女舊姻修簫鼓辭家怨旌旃出塞愁

尚孩忠念切方遠御慈流顧乏謀臣用仍勞聖主憂

薛稷奉和送金城公主適西蕃應制一首

天道能殊俗深仁乃戢兵懷荒寄赤子忍愛鞠蒼生
月下瓊娥去星分寶婺行關山馬上曲相送不勝情

馬懷素奉和送金城公主適西蕃應制一首

帝子今何去重姻適異方離情愴宸掖別路遠關梁
望絕園中柳悲纏陌上桑空餘願黃鶴東顧憶迴翔

蘇頌奉和送金城公主適西蕃應制一首

帝女出天津和戎轉剡輪川經斷腸望地與析支鄰
奏曲風嘶馬銜悲月伴人旋知偃兵革長是漢家親

下嫁戎庭遠和親漢禮優
笳聲出虜塞簫曲背秦樓
貴主悲黃鵠征人怨紫騮
臯情眷億兆割念俯懷柔

武平一奉和送金城公主適西蕃應制一首

廣化三邊靜通姻四海安
還將膝下愛持副域中歡
聖念飛玄藻仙儀下白蘭
日斜征蓋沒歸騎動鳴鑾

徐彥伯奉和送金城公主適西蕃應制一首

鳳袞憐簫曲鸞闈念掌珍
羗庭遙築館廟策重和親
星轉銀河夕花移玉樹春
聖心悽送遠留蹕望征塵

崔湜奉和送金城公主適西蕃應制一首

懷戎前冊備降女舊姻修
簫鼓辭家怨旌旃出塞愁

尚孩忠念切方遠御慈流
顧乏謀臣用仍勞聖主憂

薛稷奉和送金城公主適西蕃應制一首

天道能殊俗深仁乃戢兵
懷荒寄赤子忍愛鞠蒼生
月下瓊娥去星分寶婺行
関山馬上曲相送不勝情

馬懷素奉和送金城公主適西蕃應制一首

帝子今何去重姻適異方
離情愴宸掖別路遠関梁
望絶園中柳悲纏陌上桑
空餘願黃鶴東顧憶廻翔

蘇頲奉和送金城公主適西蕃應制一首

帝女出天津和戎轉剡輪
川經斷腸望地與析支鄰
奏曲風嘶馬銜悲月伴人
旋知偃兵革長是漢家親

唐詩卷之十八 西蕃 張說奉和送金城公主適西蕃應制一首

青海和親日，潢星出降時。
戎王子婿，寵漢國舅家慈。
春野開離讌，雲天起別詞。
空彈馬上曲，詎減鳳樓悲。

劉憲奉和送金城公主適西蕃應制一首

外館踰河右，行營指路岐。
和親悲遠嫁，忍淚泣將離。
旌旆羗風引，軒車漢月隨。
那堪馬上曲，特向管中吹。

張說送鄭大夫惟忠從金城公主入蕃還字

韻一首

鳳吹遙將斷，龍旗送欲還。
傾都邀節使，傳酌緩離顏。
春磧沙連海，秋城月對閑。
和我應賞魏，定遠莫辭班。

宜芬公主歸蕃一首

出嫁辭鄉國，由來此別難。
聖恩愁遠道，行路泣相看。
沙塞容顏盡，邊隅粉黛殘。
妾心何處斷，他日望長安。

無名氏送薛大夫和蕃一首

戎皇歸漢命，魏絳諭皇恩。
旌旆辭雙闕，風沙上五原。
往途遵塞道，出祖耀都門。
榮令天文盛，宣威使者尊。
澄波看四海，入貢佇諸蕃。
秋杪迎迴驛，無勞枉夢魂。

孫頴送薛大夫和蕃一首

亞相獨推賢，乘輅向遠邊。
一心傾漢日，萬里望胡天。
忠信皇恩重，要荒聖德傳。
戎人方屈膝，塞月復嬋娟。

唐詩類苑 卷之十八 二十七
別思流鶯晚歸朝候鴈先當書外垣傳迴奏赤墀前

杜甫送楊六判官使西蕃一首

送遠秋風落西征海氣寒帝京氛祲滿人世別離難
絕域遙懷怒和親願結懽勅書憐替普兵甲望長安
宣命前程急惟良待子寬寸雲清自守今日起爲官
垂泪方投筆傷時郎據鞍儒衣山鳥怪漢節野童看
邊酒排金盃夷歌捧玉盤草肥蕃馬健雪重拂廬乾
慎尔參籌畫從茲正羽翰歸來權可取九萬一朝搏

招諭

李義府招諭有懷贈同行人一首

遠遊冒艱阻深入勞存諭春去辭國門秋還在邊戍
軒車行未返節序催難駐陌上悲轉蓬園中想芳樹
蜀山自紛糾岷水恒奔注臨泛多苦懷登攀寡懽趣
未及飛淫雨崇朝蒸毒霧不求綏嶺桃寧羨邛鄉錡
白狼行欲靜驄馬何常顧

唐詩類苑 卷之二十八 終

唐詩類苑第二十八卷終

白紵行冷精細馬河常賄

水又難盡兩崇障蒸毒霖不來滋鬱林寧美叩聯證

卷山自餘餘那火可本主謂天冬苦藥谷攀窠對狀

神車行未受清早前推却上悲轉養園中懸苦極

多菲冒曠則聚人幾計儲積夫編因門林愛非豈決

唐詩類苑第二十九卷

仁和卓明卿澂父編輯

華亭張之象玄超

長洲毛文蔚豹孫同校

治政部

掌選

杜甫送魏二十四司直充嶺南掌選崔郎中

判官燕燕寄常韶州一首

選曹分五嶺使者歷三湘才美應推薦君行佐紀綱

佳聲期共遠雅節在周防明白山濤鑒嫌疑陸賈裝

唐詩類苑 卷之十九 江表 孫逖送張環攝御史監南選一首
故人湖外少春日嶺南長憑報韶州牧新詩昨寄將
監選

孫逖送張環攝御史監南選一首

漢使得張綱威名懾遠方恩沾柱下史榮比選曹郎
江帶黔中濶山連峽水長莫愁炎暑地秋至有嚴霜
季頎龍門送裴侍御監五嶺選一首

萬里番禺地官人繼帝憂君爲柱下史將命出東周
歇馬傍川路張灯臨石樓稜稜靜踈木淅淅響寒流
椰葉四荒外梅花五嶺頭明珠尉佗國翠羽夜郎洲
夷俗富珍產土風資宦遊心清物不雜弊革事無留

舉善必稱最持姦當去尤何辭桂江遠今日用賢秋
選補

盧僎季冬送戶部郎中使黔府選補一首

握鏡均荒服分衡得大同徵賢一臺上補吏五溪中
雨露將天澤文章播國風漢庭睽直諒楚陝望清通
馬逐霜鴻漸帆泂曉月空還期鳳池拜照耀列星宮
赴選

李白送楊少府赴選一首

大國置衡鏡準乎天地心群賢無邪人朗鑒窮青深
吾君咏南風袞冕彈鳴琴時泰多美士京國會纓簪

山苗落澗底幽松高出岑夫子有盛才主司得球
流水非鄭曲前行遇知音衣工剪綺繡一悞傷千金
何惜刀尺餘不裁寒女衾我非彈冠者感別但開襟
空谷無白駒賢人豈悲吟大道安棄物特來或招尋
爾見山吏部當應無陸沉

駱賓王送王明府上京參選賦得鶴一首

振衣遊紫府飛蓋背青田虛心恒警露孤影尚凌煙
離歌悽妙曲別引繞繁弦在陰如可和清響會聞天
岑參陪使君早春西亭送王贊府赴選一首
西亭繫五馬爲送故人歸客舍草新出關門花欲飛

到來逢歲酒却去換春衣吏部應相待如君才調稀

杜甫送孟十二倉曹赴東京選一首

君行別老親此去苦家貧藻鏡流連客江山憔悴人
秋風楚竹冷夜雪鞏梅春朝夕高堂念應宜綵服新

入京

李頎雀五宅送劉岐入京一首

行人惜寸景繫馬暫留歡昨日辭小沛何時到長安
鄉中飲酒禮客裏行路難清洛雲鴻度故關風日寒
維將道可樂不念身無官生事東山遠田園芳歲闌
東歸余謝病西去子加飡宗伯非徒爾明時止可干

唐詩卷之二十九 西京
躬耕守貧賤失計在林端宿昔奉顏色慙無斐玉盤

李白金鄉送韋八之西京一首

客自長安來還歸長安去狂風吹我心西挂咸楊樹
此情不可道此別何時遇望望不見君連山起烟霧

李白南陵別兒童入京一首

白酒初熟山中歸黃鷄啄黍秋正肥呼童烹鷄酌白
酒兒女嬉笑牽人衣高歌取醉欲自憊起舞落日爭
光輝遊說萬乘苦不早着鞭跨馬涉遠道會稽愚婦
輕買臣余亦辭家西入秦仰天大笑出門去我輩豈
是蓬蒿人

孟浩然送友人入京一首

君登青雲去余望青山歸雲山從此別淚濕薜蘿衣

李頎奉送五叔入京兼寄綦毋三一首

吏部明年拜官後西城必與故人期寄書春草年年
色莫道相逢于女祠

岑參送雀子還京一首

匹馬西從天外歸揚鞭只共鳥爭飛送君九月交河
北雪裏題詩淚滿衣

駱賓王秋日餞尹大往京一首 并序

尹大官三冬懸暢指蘭臺而拾青薛六郎四海

唐詩類苑 卷之十九 送別詩
情深飛桂樽而舉白于時免苑東上龍火而流
劍彩沉波碎楚蓮於秋水金輝照岸秀陶菊於
寒堤旣切送歸之情弥軼窮途之感重以清江
帶地間吳會於星津白雲在天望長安於日路
人之情也能不悲乎雖道術相望叶神交於靈
府而風煙懸隔貴申心於翰林請振詞鋒用開
筆海人為四韻用慰九秋

桂瓢余隱舜負鼎爾于湯竹葉離樽滿桃花別路長
低河耿秋色落月抱寒光素書如可嗣幽谷佇賓行
李頎送相里造入京一首

子月過秦正寒雲覆洛城嗟君未得志猶作苦辛行
煖酒嫌衣薄瞻風候雨晴春官含笑待驅馬速前程
李頎送錢子入京一首

夜夢還京北鄉心恨擣衣朝逢入秦使走馬喚君歸
驛路清霜下関門黃華稀還家應信宿看子速如飛
張說送薛植入京一首

青組言從史鴻都忽見求欲言人向老飲別歲將秋
彷彿長安陌平生是舊遊何時復相遇死在水中流
盧僎歲晚還京臺望城闕戍口號先贈交親

一首

紫陌開朝樹朱城出晚霞猶憐慣去國疑是夢還家
風弱知催柳林青覺待花交親望歸騎幾處擁年華
祖詠送劉高郵稅使入京一首

常聞積歸思昨夜又兼秋鄉路京華遠王程江水流
吳歌喧兩岬楚客醉孤舟漸覺潮初上悽然多暮愁
岑參送顏評事入京一首

顏子人歎屈宦遊今未遲佇聞明主用豈負青雲姿
江柳秋吐葉山花寒蒲枝知君客愁處月落巴川時
杜用夏日楊長寧宅送崔侍御常正字入京
一首

醉酒楊雄宅升堂子賤琴不堪垂老髮還對欲分襟
天地西江遠星辰北斗深烏臺俯麟閣長夏白頭吟
杜甫涪江泛舟送常班歸京一首

追餞同舟日傷春一水間飄零為客久衰老羨君還
花遠重重樹雲輕處處山天涯故人少更益鬢毛班
李頎送魏萬之京一首

朝聞遊子唱離歌昨夜微霜初渡河鴻鴈不堪愁裏
聽雲山况是客中過關城曙色催寒近御苑砧聲向
晚多莫見長安行樂處空今歲月易蹉跎

入朝

唐詩苑 卷之十九 李太白詩

李白鼓吹入朝曲一首

金陵控海浦綠水帶吳京
銃歌列騎吹颺香引公卿
槌鍾速嚴妝伐鼓啓重城
天子憑玉几劍履若雲行
日出照萬戶簪裾爛明星
朝罷沐浴閑遨遊閨風亭
濟濟隄闕下歡娛樂恩榮

張說岳州別趙國公王十一珪入朝一首

昔濫貂蟬長同承雨露
霏今參魚鱉守望美洞庭
歸浦樹懸秋影江雲落
曉輝離魂似征雁恒往帝鄉飛

王珪入朝奉別張燕公一首

五載朝天子三相逢
舊寮扁舟方輟棹清論遂終朝

遠樹煙間沒長江地際遙
帝城馳夢想歸帆滿風颺

張說廣州蕭都督入朝過岳州宴餞一首

孤城抱大江節使往朝宗
果是臺中舊依然水上逢
京華遙比日疲老颯如冬
竊羨能言鳥啣恩向九重

杜甫送何侍御歸朝一首

舟楫諸侯餞車輿使者歸
山花相映發水鳥自孤飛
春日垂雙鬢天隅把繡衣
故人從此去寥落寸心違

杜甫季夏送鄉弟韶陪黃門從叔朝謁一首

令弟尚為滄水使名家莫出江陵人
比來相國兼安蜀歸赴朝廷已入秦
捨舟策馬論兵地拖玉腰金報

唐詩苑 卷之十九 李太白詩 七 公孫晉雅本

主身莫度清秋吟蟋蟀早聞黃閣画麒麟

張說岳州別梁六入朝一首

遠泣長沙渚欣逢賈誼才江山疲應接風日復晴開
江樹雲間斷湘山水上來近洲朝鷺集古戍夜猿哀
岸杼含蒼捩河蒲秀紫臺月餘偏地賞心盡古人盃
自我違京路嗟君此泝回容華因別老交舊與年顏
夢見長安陌朝宗實盛哉

梁知微入朝奉別張燕公一首

華容佳山水之子厭承明符竹迂小郡江湖被德聲
三年計吏入路指巴丘城鳧舟纔結攬騶駕已相迎

別離他鄉酒委曲故人情孤嶼早烟泊長波晚氣清
辛勤方遠鷺勝賞屢難并過瞻洞庭浦日暮愁雲生

杜甫奉送王信州峯北歸一首

朝廷防盜賊供給懸誅求下詔選郎署傳聲典信州
蒼生今日困天子嚮時憂并屋有煙起瘡痍無血流
壤歌唯海甸畫角自山樓白髮窳常早荒榛農復秋
解通踰卧轍遣騎覓扁舟徐榻不知倦潁川何以酬
塵生彤管筆寒臙黑貂裘高義終焉在斯文去矣休
別離同雨散行止各雲浮林熱鳥開口江渾魚掉頭
尉佗雖北拜太史尚南留軍旅應多息寰區安盡收

唐詩卷之九
元九
九重思諫諍八極念懷柔徙倚瞻王室從容仰廟謀
故人持雅論絕塞豁窮愁復見陶唐理耳為汗漫遊

杜甫暮春江陵送馬大卿公恩命追赴闕下
一首

自古求忠孝名家信有之吾賢富才術此道未磷緇
王府標孤映霜蹄去不疑激揚音韻徹籍甚衆多推
潘陸應同調孫吳亦異時北宸徵事業南紀赴恩私
卿月升金掌王春度玉墀薰風行應律湛露即歌詩
天意高難問人情老易悲樽前江漢濶後會且深期

杜甫奉送嚴公入朝十韻一首

鼎湖瞻望遠象闕憲章新四海猶多難中原憶舊臣
與時安反側自昔有經綸感激張天步從容靜塞塵
南圖回羽翮北極捧星辰漏鼓還思晝宮鶯罷轉春
空留玉帳術愁殺錦城人閣道通丹地江潭隱白蘋
此生那老蜀不死會歸秦公若登台輔臨危莫愛身

入計

張九齡餞王司馬入計同用洲字一首

元寮行上計舉餞出林丘忽望題輿遠空思解榻遊
別筵鋪柳岍征棹倚蘆洲獨嘆湘江水朝宗向北流
赴任

岑參冬宵家會餞李郎司兵赴同州一首

急管雜青絲玉瓶金屈卮寒天高堂夜撲地飛雪時
 賀君關西棨新綬腰下垂白面皇家郎逸翮青雲姿
 明旦之官去他辰良會稀惜別冬夜短務歡杯行遲
 季女猶自小老夫未令歸且看匹馬行不得鳴鳳飛
 昔歲到馮翊人煙接京師曾上月樓頭遙見西嶽祠
 沙苑逼官舍蓮峯壓城池多暇或自公讀書後彈棋
 州縣信徒勞雲霄亦可期應須力為政聊慰此相思

岑參送王大昌齡赴江寧一首

對酒寂不語悵然悲送君明時未得用白首徒攻文

澤國從一官滄波幾千里群公滿天闕獨去過淮水
 舊家富春渚嘗憶卧江樓自聞君欲行頻望南徐州
 窮巷獨閉門寒灯靜深屋北風吹微雪抱被肯同宿
 君行到京口正是桃花時舟中饒孤興湖上多新詩
 潛虬且深蟠黃鶴飛來晚惜君青雲器努力加餐飯

王維送魏郡李太守赴任一首

與君伯氏別又欲與君離君行無幾日當復隔山陂
 蒼茫秦川盡日落桃林塞獨樹臨關門黃河向大外
 前經洛陽陌宛洛故人稀故人離別盡淇上轉驂駟
 企予悲送遠惆悵睢陽路古木官渡平秋成鄴宮故

想君行縣日其出從如雲遙思魏公子復憶李將軍
杜甫陪章晉後惠義寺錢嘉州崔都督赴州
一首

中軍待上客令肅事有恒前駢入寶地祖帳飄金繩
南陌旣番歡茲山亦深登清聞樹稍磬遠謁雲端僧
迴策匪新岸所攀仍舊藤耳激洞門颯目存寒谷冰
出塵閱軌躅畢竟遺炎蒸永願坐長夏將衰棲大乘
羈旅惜宴會艱難懷友朋勞生共幾何離恨蕪相仍

李頎送劉四赴夏縣一首

九霄特立紅鸞姿萬仞孤生玉樹枝劉侯致身能若

此天骨自然多歎美聲名播揚二十年足下長途幾
千里舉世皆親丞相閣我心獨愛伊川水脫畧勢利
猶埃塵嘯噉特人而已矣新詩數歲即文雄上書昔
召蓬萊宮明主拜官麒麟閣光車駿馬看玉童高人
往來廬山遠隱士往來張長公扶南耳蔗甜如蜜雜
以荔枝龍州橘赤縣繁詞滿劇曹白雲孤峯暉永日
朝持手板望飛鳥暮誦楞伽對空宇一朝出宰汾河
間明府下車人吏閑端坐訟庭更無事開門咫尺巫
咸山男耕女織家惠化麥熟雉鳴長秋稼明年九府
議功時五辟三徵當在茲聞道桐鄉有遺老邑中還

欲置生祠

馬懷素餞唐永昌一首

聞君出宰洛陽隅
賓友稱觴餞路衢
別後相思在何處
祇應闕下望仙鳧

崔日用餞唐永昌一首

洛陽桴鼓今不鳴
朝野咸推重
太平冬至冰霜俱
怨別春來花鳥若爲情

劉憲餞唐永昌一首

始見郎官拜洛陽
旋聞近侍發雕章
緒言已勗暮年政
綺字當先滿路光

閻朝隱送唐永昌一首

洛陽難理若焚絲
錐破連環定不疑
鸞鵠鳥道長安樂
回首一願一相思

薛稷餞唐永昌一首

河洛風烟壯市朝
送君飛鳧去漸遙
更思明年桃李月
花紅柳綠宴浮橋

武平一餞唐永昌一首

聞君墨綬出丹墀
雙鳧飛來佇有期
寄謝銅街攀柳日
無忘粉署握蘭時

徐堅餞唐永昌一首

唐詩卷之十一 流沙部 十一 崑崙周本
郎官出宰赴伊瀍征傳駸駸灞水前此時長望新豐
道携手相看共闐然

徐彥伯餞唐末昌一首

金谿碧水玉潭砂鳧鳥翩翩弄日華聞鷄香陌行春
倦為摘東園桃李花

李適餞唐末昌一首

聞道飛鳧向洛陽翩翩矯翮度文昌因聲寄意二花
樹少室宮前幾過香

李頎送崔嬰赴漢陽一首

中外相連弟與兄新加小縣子男名纔年三十佩銅

印知爾絃歌漢水清

張說送崔二長史日知赴潞州一首

東山懷卧理南省悵悲翁共具前途促何知後會同
莫輕一筵宴明日半成空况尔離庭闕思歸迷夢中

張說同賀八送充公赴荊州一首

疇昔同聲友騫飛出鳳池風雲一蕩薄日月異參差
此別黃葉下前期安可知唯憐楚南樹不為歲寒移

杜甫送鮮于萬州遷巴州一首

京兆先時傑琳琅照一門朝廷偏注意接近與名藩
祖帳維舟數寒江觸石喧看君妙為政他日有殊恩

唐詩卷之十九 送李邕之任滑臺一首

漢家重東郡宛彼白馬津
黎庶既蕃植臨之勞近臣
遠別初首路今行方及春
課成應第一良牧爾當仁
張九齡奉和聖製送李邕之任滑臺一首

眷言感忠義何有間山川
徇節今如此離情空復然
皇心在勤恤德澤委昭宣
朞月成功後明年或勞還

沈佺期夏日梁王席送張岐州一首

秦鷄常下雍周鳳昔鳴岐
此地推雄撫惟梁寄在期
家傳七寶貴人擅八龍奇
高傳生光彩長林歎別離
天人開祖席朝案候征麾
翠帟當郊敞彤幃向野披

苑北秋麥盛冉冉夏條垂
奉計何時入台階望羽儀
宋之問送楊六望赴金水一首

借問梁山道嶽岑幾萬重
遙州乃作路絕壁劍爲峯
惜別路窮此畱歎意不從
憂來生白髮時晚愛青松
勿以西南遠夷貊寢盛容
台階有高位寧復久臨邛

玄宗賜崔日知往潞州一首

潞國開新府壺闕寵舊林
妙旌循吏德特悅庶氓心
禮樂中朝貴神明列郡欽
揚風非贈扇易俗是張琴
藩錡謳謠滿行宮雨露新
會書丞相策先賜潁川金
張說奉和聖製賜崔日知往潞州應制一首

聖情畱重鎮佳氣翊興王增戟雄都府高車轉太常
川橫八練濶山帶五龍長連帥初恩命天人舊紀綱
餞塗飛御藻闔境自生光明主徵循吏何年下鳳凰

李頎送廬少府赴廷陵一首

問君從官所何日府中趨遙指金陵縣青山天一隅
行人懷寸祿小吏獻新圖北固波濤險南天風俗殊
春江連橘柚晚景媚蒲菰漠漠花生渚亭亭雲過湖
灘沙映村火水霧斂檣烏回首東門路鄉書不可無

李頎送馬錄事赴永陽一首

子爲郡從事主印清淮邊談笑一州裏從容群吏先

手持三尺令遣決如流泉太守旣相許諸公誰不然
孤城連海樹萬室帶山烟春日溪湖淨芳洲葭菼連
炊粳蟹螯熟下筍鱸魚鮮野鶴宿簷際楚雲飛面前
聽歌送離曲且駐木蘭舡贈爾八行字當聞佳政傳

張說送宋休遠之蜀任一首

求友殊損益行道異窮伸綴我平生氣吐贈薄遊人
結恩事明主恐愛遠辭親色麗成都俗膏腴蜀水濱
如何從宦子堅白共緇磷日月千齡旦河山萬族春
懷鉛書瑞府橫草事邊塵不及安人吏能令玉化淳

張說送喬安邑備一首

唐詩卷之十一 江表 十一
書閣移年歲文明難復辭歡言冬雪蒲俱別夏雲滋
外尹方爲政高明自不欺老人驟馭往童子狎群嬉
日茂西河俗寂寥東觀期遙懷秀水令京洛見新詩

岑參送廬郎中除杭州赴任一首

罷祀郎官草初分刺史符海雲迎過楚江月引歸吳
城底濤聲振樓端蜃氣孤千家窺驛舫五馬飲春湖
柳色供詩用鶯聲送酒湏知君望鄉處枉道上姑蘇

王維送熊九赴任安陽一首

魏國應劉後寂寥文雅空漳河如舊日之子斷清風
阡陌銅臺下閭閻金虎中送車盈灞上輕騎出關東

相去千餘里西園明月同

杜甫送梓州李使君之任一首

籍甚黃丞相能名自穎川近看除刺史還喜得吾賢
五馬何時到隻魚會早傳老思筇竹杖冬要錦衾眠
不作臨岐恨唯聽舉最先火雲揮汗日山澤醒心泉
遇害陳公殞于今蜀道憐君行射洪縣爲我一潸然

杜甫送陵州路使君之任一首

王室比多難高官皆武臣幽燕通使者岳牧用詞人
國待賢良急君當拔擢新佩刀成氣象行蓋出風塵
戰伐乾坤破瘡痍府庫貧衆寮宜潔曰萬役但均平

霄漢瞻佳士泥塗任此身秋天正搖落回首大江濱

杜甫奉送蘇州李二十五長史丈之任一首

星坼台衡地曾爲人所憐公侯終必復經術竟相傳
食德見從事克家何妙年一毛生鳳穴三尺獻龍泉
赤壁浮春暮姑蘇落海邊客間頭最白惆悵此離筵

巡行

張九齡巡按自灘水南行一首

理棹雖云遠飲冰寧有惜况乃佳山川怡然傲潭石
奇峯岌前轉茂樹隈中積猿鳥聲自呼風泉氣相激
目因詭容逆心與清暉滌紛吾謬執簡行郡將移檄

即事聊獨歡素懷豈嫌適悠悠詠靡盬庶以窮日夕

張九齡歲初巡屬縣登高安南樓言懷一首

山城本孤峻憑尚結層軒江氣偏宜早林英粲已繁
餘滋含宿霽衆妍在朝暎拂衣釋簿領伏檻遺紛喧
深俯東溪澳遠延南山樊歸雲納前嶺去鳥投遙村
目盡有餘意心惻不可諉竭來彭蠡澤載經敷淺原
春及但生思時哉無與言不才叨過舉唯力酬明恩
夷化猶寂蔑迅節徒飛奔雖無立成效庶以去思論
行役狗彘迹亦云吾道存

張九齡巡屬縣道中作一首

春令夙所奉駕言遵此行途中却郡掾林下招村民
至邑無分列來人但歡迎豈伊念邦政爾實在特清
短才濫符竹弱歲起柴荆再入江村道永懷山藪情
矧逢陽節獻默聽時琴鳴迹與素心別感從幽思盈
流芳日不待夙志寒無成知命且何欲所圖唯退耕
華簪極身泰衰鬢慙木榮苟得不可遂吾其謝世嬰

岑參送狄員外巡按西山軍一首

兵馬守西山中國非得計不知何代策空使蜀人弊
八州崖谷深千里雲雪閉泉澆閣道滑水凍繩橋脆
戰士常苦飢糗糧不相繼胡兵猶不歸空山積年歲

儒生識損益言事皆審諦狄子幕府郎有謀必康濟
胷中懸明鏡照耀無巨細莫辭冒險艱可以裨節制
相思江樓夕愁見月澄霽

運轉

王維送元中丞轉運江淮一首

薄稅歸天府輕徭賴使臣歡沾賜帛老恩及卷綃人
去問珠官俗來經石劫春東南高亭上莫使有風塵

推事

高適送葉少府赴登州推事一首

膠東連卽墨萊水入滄溟國小常多事人訛屢抵刑

公才徵郡邑詔使出郊垆標格誰當犯風謠信可聽
崢嶸大峴口邈迤汶陽亭地迴雲徧白天秋山更青
祖筵方卜晝王事急侵星歡尔將爲德斯言盖有聽

置倉

岑參送許員外江外置常平倉一首

詔置海陵倉朝推畫省即還家錦服貴出使繡衣香
水驛風催舫江樓月透床仍懷陸氏橘歸獻老親嘗

賑濟

張說送任御史江南發糧以賑河北百姓一首

河朔人無歲荆南義廩開將興泛舟役必佇濟川才
花月臨江浦春雲歷楚臺調飢坐相望繡服幾時迴

採訪

張九齡奉和聖製送十道採訪使及朝集使一首

三年一止計萬國趨河洛課最力已陳賞延恩復博
垂衣深共理改瑟共咸若首路迴竹符分鑣揚木鐸
戒程有攸往詔餞無淹泊昭晰動天文殷勤在人瘼
持义望茲念克終期所託行矣當自強春耕庶秋穫

徐安貞送丹陽採訪一首

唐詩卷之十九 流政部 十九 卷之十九
郡縣分南國皇華出聖朝為憐鄉棹近不道使車遙
舊俗吳三讓遺風漢六條願言除疾苦天子聽謳詭

安輯

李嶠安輯嶺表事平罷歸一首

雲端想京縣帝鄉如可見天涯望越臺海路幾悠哉
六月飛鵬去三年瑞雉來境遙銅柱出山險石門開
自我遠瀛洛瞻途隻揮霍朝七寒露多夜夜征衣薄
白簡承朝憲朱方撫夷落旣弘天覆廣且論皇恩博
皇恩溢外區憬俗詠來蘇聲朔陳天子壇場拜老夫
絳宮韶將畧黃石寢兵符返旆收龍虎空營集鳥鳥

日落澄氛靄憑高視襟帶東甌抗于越南斗臨吳會
春色繞邊陲飛花出荒外卉服紛如積長川思遊客
風生丹桂晚雲起蒼梧夕去軸艤清江歸軒趨紫陌
衣裳會百蠻賅賚委重関不學金刀使空持寶劍還

張說奉和聖製送宇文融安輯戶口應制一首

至德臨天下勞情遍九圍念茲人去國蓬轉將何依
外避征戍數內傷親黨稀嗟不逢明盛胡能照隱微
栢臺簡行李蘭殿賜朝衣別曲動秋風恩令生春輝
使出四海安詔下萬心歸作無夔龍佐徒歌鴻鴈飛

市馬

岑參號州送天平何丞京市馬一首

閑樹晚蒼蒼長安近夕陽回風醒別酒細雨濕行裝
習戟邊塵黑防秋塞草黃知君市駿馬不是學燕王
休假

盧照憐山莊休沐一首

蘭署乘閑日蓬扉狎遁棲龍柯疎玉井鳳葉下金堤
川光掇水箭山氣上雲梯亭幽聞唳鶴窓曉聽鳴鷄
玉軫臨風奏瓊漿映月移田家自有樂誰肯謝青谿
孟浩然張明府休沐還鄉宴海亭一首

自君理畿甸予亦經海涯萬里書信斷數年雲雨乖
歸來休澣日始得賞心諧朱紱恩難重滄洲趣每懷
樹低新舞閣山對舊書齋何以發秋興陰虫鳴夜堦
王維休假還舊業便使一首

謝病始告歸依七人桑梓家人皆佇立相候衡門裏
時輩皆長年成人舊童子上堂嘉慶畢願與姻親齒
論舊忽餘悲目存且相喜田園轉蕪沒但有寒泉水
衰柳日蕭條秋光清邑里入門乍如客休騎非便止
中飯顧王程離憂從此始

岑參因假歸白閣西草堂一首

唐詩卷之十九
十一
雷聲傍太白雨在八九峯東望白閣雲半入紫閣松
勝槩紛滿目衡門趣弥濃幸有數畝田得延二仲蹤
早聞達士語偶與心相通悞狗一微官還山愧塵容
釣竿不復把野碓無人春惆悵飛鳥盡南溪聞夜鍾
李嶠和同府李祭酒休沐田居一首

列位簪纓序隱居林野躡狗物爽全直棲真昧均俗
若人蕪史隱率性夷榮辱地籍朱邱基家在青山足
甃弭西園盖言事東臯粟築室俯澗濱開扉面巖曲
庭幽引夕霧簷迴涌晨旭迎秋谷葉黃含露園葵綠
勝情狎蘭杜雅韻鏘金玉伊我懷丘園願心從所欲

囚獄

沈佺期枉繫二首

吾怜魯家子昔有投杼疑吾怜姬公旦非無鴟鴞詩
臣子竭忠孝君親惑讒欺萋斐離骨肉含愁興此辭
又

昔日公冶長非罪遇縲紲聖人降兄子古來難獨絕
我無毫髮瑕苦心懷冰雪今世多秀士誰能繼明轍
崔顥結定襄郡獄一首

我在河東時使往定襄里定襄諸小兒諍訟紛城市
長老莫敢言太守不能理謗書盈几案文墨相填委

牽引肆中翁追呼田家子我來折此獄五聽辨疑似
小大必以情未嘗施鞭箠是時三月暮遍野農桑起
里巷鳴春鳩田園引流水此鄉多雜俗戎夏殊音旨
願問邊塞人勞情曷云已

李白在尋陽非所寄內一首

聞難知慟哭行啼入府中多君同蔡琰流淚請曹公
知登吳章嶺昔與死無分崎嶇行石道外折入青雲
相見若悲嘯哀聲那得聞

沈佺期獄中聞駕幸長安二首

傳聞聖旨向秦京誰念羈囚滯洛城扈從由來是方

朔爲伸冤氣在長平

無事今朝來下獄誰期十月是黃河君看鷹隼俱堪
繫爲報蜘蛛收網羅

駱賓王憲臺出繫寒夜有懷一首

獨坐懷明發長誰苦未安自應迷北叟誰肯問南冠
生死交情異殷憂歲序闌空餘朝夕鳥相伴夜啼寒

陳子昂宴胡楚真禁所一首

人生固有命天道信無言青蠅一相點白璧遂成冤
靜室閑逾邃幽庭春未暄寄謝韓安國何驚獄吏尊
沈佺期同獄者嘆獄中無燕一首

唐詩卷之六
何許乘春燕，多知辯夏臺。三時欲併畫，隻影未嘗來。
食藥嫌叢棘，啣泥怯死灰。不知黃雀語，能雪冶長猜。

駱賓王幽繫書情通簡知己一首

昔歲逢陽曆，觀光賁楚材。穴疑丹鳳起，塲似白駒來。
一命淪驕餌，三緘慎禍胎。不言勞倚仗，忽此邁邈邈。
驟馬刑章峻，蒼虵獄吏猜。爭縑非易辨，疑璧果難裁。
揆拙慙周道，端憂滯夏臺。生涯一滅裂，岐路幾徘徊。
青陸芳春動，黃沙旅思催。圓扉長寂寂，踈網尚恢恢。
入窞方搖尾，迷津正暴腮。覆盆徒望日，蟄戶未驚雷。
霜歇蘭猶敗，風多木屢摧。幽蚕室閉門，靜雀羅開。

自憫秦冤痛，誰伶楚奏哀。漢陽窮鳥客，梁甫卧龍才。
有氣還衝斗，無時會鑿坏。莫言韓長孺，長作不然灰。

沈佺期移禁司刑一首

疇昔參鄉賦，中年忝吏途。卅唇曾學史，白首不成儒。
天子開昌籙，群生偶大鑪。散材仍葺夏，弱羽遽搏扶。
寵邁乘軒鶴，榮過食稻鳧。回功遊畫省，何德理黃樞。
吊影慙非據，傾心事遠圖。盜泉寧止渴，惡木匪投軀。
任直翻多毀，安身遂少徒。一朝逢紕謬，三省竟無虞。
白簡初心屈，黃沙始望孤。患平終不怒，持劾每相驅。
埋劍誰當辨，偷金以自誣。誘言雖委巷，流議亦貞符。

首夏方憂國高秋獨向隅嚴城看熠燿圓戶對蜘蛛
累餉唯妻子披冤是友于物情牽倚伏人事限榮枯
門客心誰在隣交迹儻無撫衿隻涕落危坐百憂趨
聖旨垂明德冤囚豈濫誅會希恩免理終望罪矜愚
司寇宜哀獄台庭幸恤辜漢皇虛詔上容有報恩珠
李白獄中上崔相渙一首

胡馬渡洛水血流征戰場千門閉秋景萬姓危朝霜
賢相燮元氣再欣海縣康台庭有夔龍列宿粲成行
羽翼三元聖發耀內太陽應念覆盆下雪泣拜大光
李白繫尋陽上崔相渙三首

毛遂不墮井曾參寧殺人虛言誤公子投杼惑慈親
白璧隻明月方知一玉真

虛傳一片雨枉作陽臺神縱爲夢裡相隨去不是襄
王傾國人

邶鄆四十萬同日陷長平能迴造化筆或異一人生
刑罰

崔國輔送韓十四被曾王推迺往濟南府一
首

西候情何極南冠怨有餘梁王雖好士不察獄中書
虞世南賦得慎罰一首

唐詩類苑卷二十九
帝圖光往冊上德表鴻名道冠二儀始風高三代英
樂和知化洽訟息表刑清罰輕猶在念勿喜尚留情
明慎全無枉哀矜在好生五疵過亦察二辟理弥精
幪巾示廉耻嘉石務詳平每削繁苛性常泐惻隱誠
政寬忠濟猛疑罪必從輕于張懲不濫陳郭憲無傾
刑措諒斯在歡然仰頌聲

唐詩類苑第二十九卷終

